

1936

A

—

11.

A 313.sz. jegyzékben eredetileg is szerepelt, de a filmeztetésnél  
kimeradt mikrofilmkérések:

LEVOCA, M. Arch.

XXI.81.  
kötésben

Decreta Regni Hungariae c. kéziratba kötve: II.142  
Pilcius, Caspar: Epithalamion in Bonorem  
Nuptiarum... Bartphae, 1578. 2° 1 levél

2 □

EPI THALAMION  
IN HONOREM Nuptiarum  
Prudentis ac circumspecti viri do-  
mini CHRISTOPHORI MENZLL Curiensis, Praetoris militaris in Szendrō,  
sponsi: & pudicissimæ virginis ROSINAE, Balthasaris Hilzen, aulæ  
Cæsarianæ quondam Aurifabri filiæ, sponsæ: conscriptum  
Iambicis quaternarijs,

A

CASPARO PILCIO.

CHRISTOPHORI lætissima  
Gaudet cubile virgine,  
Hanc possidet cœlestibus  
Sacroque iure, ritibus.  
An non stupore copulam  
Spectemus admirabilem?  
Quæ quæso vos in extimis  
Coniungit ora finibus?  
Natura dixisti marem  
Non me creavit cœlibem,  
Tristis thoros dulcissima  
Futurus absque coniuge.  
Tristis dies quando auream  
Occultat aër lampadem,  
Nox tristis est micantia  
Nî mittat orbi lumina.  
Tristis domus sic optimis  
Stipata nî sit plantulis,  
Tristisque lectus vnicæ  
Qui non sacratur compari.  
Ast vnde talis horridas  
Sors surgat inter lanceas,  
Tutela Martis nubili  
Non congruit viragini.  
Dum mente sape pensitas  
Monasticæ molestias,  
Dum perium reconditis  
Cœlum petis suspirijs.  
En inscio laudabilem  
Mittit Wienna virginem,  
Te Curiensem hāc Noricam  
Confœderat Pannonia.

Quis fata mira dulcium  
Non cernit hīc sponsalium?  
Extremus orbis debitos  
Adunat ecce coniuges.  
Non hoc venire lubrica  
Sanè potest ab alea,  
Summus parens est inclyti  
Autor caputque vinculi.  
Quos lege firma copulat,  
Hos ritè nemo dissipat:  
Duo quidem sunt corpora,  
Consensus & mens vnicæ.  
Sic & tibi datur sacra  
ROSINA prouidentia,  
Nullo antè cognitam loco  
Nunc accipis cubiculo.  
Quare tibi lætissima  
Hinc gestiunt præcordia,  
Es sponsam adeptus indolis  
Bonæ, fauente Delia.  
Rerum pater præsens nouo  
Sit gratia connubio,  
Vos protegat, det tempora,  
Cum prole donet gaudia.  
Iam viue saluus intima  
Amabiliq[ue] cum ROSA,  
Impunè gaudens osculis,  
Castis iocis, amplexibus.

ANNO DOMINI  
1578.